

Աստվածաշնչական տեքստերի ընթերցման այս ձևը, ուր շեշտը դրվում է գլխավորապես դասակարգային պայքարի վրա, Աստվածաշնչի բովանդակությունը նորովի մեկնաբանելու մի փորձ է, որը ներկայումս լայնորեն կիրառվում է ժամանակակից սուրբ գրական աստվածաբանության մեջ: Այս նոր մոտեցումը հիմնվում է ոչ միայն սուրբ գրական տեքստերի կրոնական և փիլիսոփայական կողմի վրա, այլև տեքստերի տոգիալ-քաղաքական և սոցիալական կոնտեքստի մեկնաբանման վրա՝ նպատակ ունենալով տեքստերում քաջահայտել նշանակությունների մի քաղաքականություն:

Խորհրդակցության նպատակն է եղել՝ ընդգծել նման մի նյութի կարևորությունն ու օգտակարությունը ուսանողական քրիստոնեական շարժումների և աշխարհիկ ակադեմիաների հետագա աշխատանքի համար:

ԵՆԽ-ի ԳԼԽԱՎՈՐ ԲԱՐՏՈՒՂԱՐԸ
ՄԱՍՆԱԿՑԵԼՈՒ Է ԱՎՍՏՐԱԼԻԱՅԻ
ՄԻԱՑՑԱԼ ԵԿԵՂԵՑՈՒ ԱՌԱՋԻՆ
ՀԱՄԱԺՈՂՈՎԻՆ

ԵՆԽ-ի գլխավոր քարտուղար Ֆիլիպ Փոթերը գլխավոր գեկուցողներից մեկն է լինելու այն ազգային համաժողովում, որը տեղի է ունենալու տույն թվականի հունիսի 22—24-ը Սիդնեյում՝ Ավստրալիայի միացյալ եկեղեցու քաջաման առիթով:

Այս նոր եկեղեցին, որի մեջ կմիավորվեն մեթոդական, միաբանական և պրեսբիտերական եկեղեցիները, կունենա շուրջ 200.000 անդամ, 2.400 հոգևոր հովիվ, ավելի քան 1000 եկեղեցական շենք՝ հարակից քաղաքային աղոթատներով, և կղեկավարվի 54 կոնսիստորիաների, վեց սինոդների և մեկ ազգային խորհրդի կողմից:

ՕՐԹՈՂՈՔՍ ԵԿԵՂԵՑԻՆԵՐԻ
ՆԵՐԿԱՅԱՑՈՒՑԻՉՆԵՐԻ ԿՈՆՖԵՐԱՆՍ
ԸՍՄԲԵԶԻՈՒՄ

Տասներեք երկրներից ժամանած շուրջ երեսուն օրթոդոքս եպիսկոպոսներ համաօրթոդոքս իրենց առաջին նախապատրաստական կոնֆերանսի ընթացքում, որն ավարտվել է 1976 թվականի նոյեմբերի 29-ին Շամբեգիում, Ժնևի մոտ, միաձայնությամբ ընդունել են տասը կետերից քաղկացած մի օրակարգ՝ առաջիկա օրթոդոքս եկեղեցական այն մեծ ժողովի համար, որը նախատեսվում է գումարել մի քանի տարի հետո: 787 թվականին գումարված Նիկիո եկեղեցական ժողովից ի վեր, առաջին անգամ լինելով, օրթոդոքս եկեղեցիները հավաքվելու են այդպիսի մակարդակով:

Մեկ շաբաթ տևած իրենց աշխատանքների ընթացքում օրթոդոքս եպիսկոպոսները քաղմակողմանորեն ուսումնասիրել ու մշակել են վերոհիշյալ ժողովի նախապատրաստման հետ կապված պրոցեդուրային անհրաժեշտ հարցերը: Հանդիպման ժամանակ ջերմ ցանկություն է հայտնվել, որ շարունակվեն և առավել ևս առաջ մղվեն աստվածաբանական դիալոգները օրթոդոքս եկեղեցու և ազգիկան, քրիստոնեական կաթոլիկ, հոմոնեական կաթոլիկ ու լութերական եկեղեցիների միջև: Միաժամանակ ընդգծվել է, որ հատուկ ջանք պետք է գործադրվի ամենամոտ ժամանակում անկաշկանդ դիալոգի հստակ համար նաև արևելյան ուղղափառ հին եկեղեցիների հետ, մի անհետաձգելի խնդիր, որի կատարումն «արդեն իսկ ուղացել է»:

Անդրադառնալով Էկումենիկ շարժման մեջ օրթոդոքս եկեղեցու կատարած դերին՝ տույն նախապատրաստական կոնֆերանսը որոշել է, որ «օրթոդոքս եկեղեցու մասնակցությունն այսուհետև առավել ուժեղանալ է կունենի շարժման ամբողջության մեջ»: Նույնպիսի որոշում է ընդունվել նաև ԵՆԽ-ին նրա մասնակցության կապակցությամբ, «որպեսզի օրթոդոքս եկեղեցիների նպաստը, որն այդ խորհրդին տալիս է Էկումենիկ բնույթ, արտացոլվի հատկապես Ժնևի կենտրոնում գործող ԵՆԽ-ի անձնակազմի մակարդակի վրա՝ այդ անձնակազմի մեջ օրթոդոքս աստվածաբանների ներգրավումով» և որպեսզի եկեղեցիների միության համար տարվող աստվածաբանական աշխատանքները «հաշվի առնեն օրթոդոքս տեսակետը և իրենց վրա չկրեն քաջատապալ բողոքականության դրոշմը»:

Քննության առնելով Ջատկի տունը բոլոր քրիստոնեականների համար ընդունելի միաձայնական մի օր նշելու հարցը՝ կոնֆերանսը արտահայտել է իր սկզբունքային համաձայնությունը: Սակայն նկատի ունենալով հին եկեղեցում կիրառվող դրությունը և օրթոդոքս տեղական մի շարք եկեղեցիներում հովվական կարգի որոշ դժվարություններ՝ որոշվել է «այդ հարցը իր բոլոր կողմերով ենթարկել հետագա հանգամանակից ուսումնասիրության»:

Կոնֆերանսում ցանկություն է հայտնվել նույնպես համագործակցել ոչ քրիստոնեական մյուս կրոնների հավատացյալների հետ՝ «վերացնելու համար ամեն տեսակի մոլեռանդություն և ապահովելու ազատության, ժողովուրդների եղբայրության և աշխարհի խաղաղության իդեալների իրականացումը հոգուտ ժամանակակից մարդու», առանց ցեղի և կրոնի խտրության:

Համաօրթոդոքս այս առաջին նախա-

պատրաստական կոնֆերանսին, որը հրավիրված է եղել Կոստանդնուպոլսի Տիեզերական Պատրիարքի կողմից, և որի երեք հիմնական խնդիրներն են եղել՝ բազմակողմանիորեն նախապատրաստել օրթոդոքս եկեղեցիների առաջիկա եկեղեցական մեծ ժողովը, առաջ մղել միջքրիստոնեական հարաբերություններն ու էկումենիկ շարժումը եկեղեցիների միության ճանապարհին և «ծառայել ամբողջ մարդկությանը օրթոդոքսների և այլ կրոնների հավատացյալների համագործակցության միջոցով», մասնակցել են Կոստանդնուպոլսի, Ալեքսանդրիայի, Անտիոքի, Երուսաղեմի, Մոսկվայի, Սերբիայի, Ռումինիայի, Բուլղարիայի օրթոդոքս պատրիարքությունների, ինչպես նաև Կիպրոսի, Հունաստանի, Լեհաստանի, Չեխոսլովակիայի և Ֆինլանդիայի օրթոդոքս եկեղեցիների պաշտոնական պատվիրակությունները:

«ՀԱՎԱՏՈՒ ԵՎ ԿԱՐԳԻ»

ՇԱՐԺՄԱՆ ՀԻՄՆԱԴՐՈՒԹՅԱՆ 50-ՐԴ
ՏԱՐԵԴԱՐՁԸ

1977 թվականի մայիսին, Հոգեգալստյան տոնի օրը, հանդիսավորապես նշվելու է «Հավատո և կարգի» շարժման համաշխարհային առաջին կոնֆերանսի 50-րդ տարեդարձը Լոզանում, որտեղ 1927 թվականին տեղի ունեցավ այն պատմական ժողովը, որի ընթացքում շուրջ հարյուր քրիստոնեական եկեղեցիներ ներկայացնող ավելի քան 400 պատգամավորներ որոշեցին աշխատել միասին եկեղեցիների միության համար: Լոզանի համալսարանում առաջիկա մայիսի 26-ին, հինգշաբթի օրը, տարեդարձի բացման հանդիսավոր արարողության ժամանակ, ԵՂՆ-ի պատվո նախագահ դոկտ. Վիսենտ Լուիսը և հոռմեական կաթոլիկ եկեղեցու հայտնի աստվածաբան հայր Իվ Կոնգարը զեկուցելու են «Հիսուն տարվա ուսումնասիրություն միության շուրջ» թեմայի մասին: Հետևյալ օրը երեկոյան, «Պահանջված միության ձևը այսօր» նյութի շուրջ վերլուծական զեկուցումներով հանդես են գալու Տյուբինգենի համալսարանի դասախոս պրոֆ. Ժ. Մոլտմանը և Աթենքի համալսարանի դասախոս պրոֆ. Ն. Նիսիտիսը:

Հանդիսությունների երկրորդ փուլն սկսվելու է մայիսի 28-ին գիշերային մի հրավերով, որը տեղի է ունենալու Լոզանի մայր եկեղեցում, իսկ հաջորդ օրը, Հոգեգալստի առավոտյան, մատուցվելու է հանդիսավոր ս. պատարագ և ապա կազմակերպվելու է հետմիջօրյա ժողովրդական մի տոնախմբություն, որի ընթացքում հանդիսությունների մասնակիցներին ուղղված ող-

ջույնի մի ուղերձով հանդես է գալու ԵՂՆ-ի գլխավոր քարտուղար դոկտ. Ֆիլիպ Փոթերը: Հսկումի, ինչպես նաև Հոգեգալստյան պատարագի արարողությունները հաղորդվելու են համաեվրոպական հեռուստատեսությամբ:

Հանդիսությունների երրորդ փուլը բաղկացած է լինելու մի սեմինարից, որը տեղի է ունենալու Հոգեգալստյան հաջորդող շաբաթվա ընթացքում և որին մասնակցելու են բազմաթիվ աստվածաբաններ և տարբեր եկեղեցիների ղեկավարներ: Սեմինարի աշխատանքների թեման է լինելու «Մեկ մկրտություն, մեկ պատարագ, մեկ նվիրապետություն»:

ՀԱՆԴԻՊՈՒՄ ՔՐԻՍՏՈՆՅԱՆԵՐԻ ԵՎ ՄԱՀՄԵԴԱԿԱՆՆԵՐԻ ՄԻՋԵՎ

Քրիստոնյաների և մահմեդականների միջև «վերքերը դարմանելու», «նախապաշարումները վերացնելու» և «նոր կամուրջներ հաստատելու» նպատակով ԵՂՆ-ի «Առաքելության և ավետարանչության հանձնաժողովի» տասներկու մասնագետներ և «Իսլամական հիմնարկության» ներկայացուցիչներ անցյալ մայիս ամսին Ծամբեզիում մասնակցել են քրիստոնեական առաքելության և իսլամական դավաճ-ի հարցի շուրջ կազմակերպված քրիստոնեական-մուսուլմանական մի ժողովի: Ժողովի մասնակիցները ծանոթացել են մի շարք զեկուցումների, որոնք ուսումնասիրության և լայն քննարկման առարկա են դարձել հանդիպման հինգ օրերի ընթացքում:

«Քրիստոնեական առաքելության գաղափարը և կիրառումը» նյութի շուրջ զեկուցել է Առն Ռուդլիին եպիսկոպոսը՝ Կարաչիից (Պակիստան): «Իսլամական դավաճ-ի բնույթը» թեմայով մի ուսումնասիրություն է ներկայացրել պրոֆ. Իսմայիլ Ալ-Ֆարուկին՝ Ֆիլադելֆիայից (ԱՄՆ): Գանայի համալսարանի դասախոս Լամին Սաննեհը հանդես է եկել մի զեկուցումով, որի թեման է եղել «Իսլամական դավաճ-ի փորձառությունը», իսկ Ինդոնեզիայի կրոնական գործերի նախկին մինիստր Մուհամմադ Ռաջիդին և Ջանգիթարի նախկին փոխարչապետ Ալի Մուհսին Բարվանին ուսումնասիրություններ են ներկայացրել Ինդոնեզիայում և Ջանգիթարում քրիստոնեական առաքելությունների մասին:

Սույն հանդիպումը նախաձեռնել ու կազմակերպել է ԵՂՆ-ի «Առաքելության և ավետարանչության հանձնաժողովի» տնօրեն դոկտ. Էմիլիո Կաստրոն, որը «Ինտեր-նեշնալ Ռեվյու օֆ Միջըն» հանդեսի հոկտեմբերի համարում, անդրադառնալով վերոհիշյալ ժողովի նշանակությանը, նշել է,

որ մահմեդականները, ինչպես և քրիստոնյաները, ունեն առաքելական կոչում և պարտավորություն, որոնք անցյալում նրանց երկրաստեք առաջնորդել են ծանր սխալների և անհաշտ թշնամանքների՝ կրոնական երկու համայնքների միջև առաջացնելով լուրջ ընդհարումներ, որոնք հաճախ թելադրված են եղել տնտեսական, քաղաքական և գաղափարական պատճառներից: Նա հույս է հայտնել, որ այս հանդիպումը հնարավորություն կտա թե՛ մեկ և թե՛ մյուս կողմին բացատրելու և պարզաբանելու վերոհիշյալ հաստատումները, հասկանալու և, հնարավորության դեպքում, սրբագրելու միմյանց նկատմամբ միմեջ և այժմ գոյություն ունեցող սխալ պատկերացումները և, վերջապես, մտածելու այն միջոցների մասին, որոնցով կարելի կլինի փոխել վնասակար գործելակերպերը և որդեգրել գործունեության ճիշտ ուղեգիծ առաքելության և դավանի բնագավառում:

Ժողովի կողմից ընդունված եզրափակիչ փաստաթղթում կոչ է արվել քրիստոնյաներին և մահմեդականներին վերատեսության ենթարկել և այժմեականացնել երկու կրոնների աստվածաբանության, պատմության, մշակույթի, կանոնական և էթիկական ուսմունքների նկատմամբ փոխադարձաբար իրենց ունեցած հասկացողությունները, որպեսզի «այսօրուհա քրիստոնեական մահմեդական հարաբերությունների մթնոլորտը» և հնարավոր լինի «բարիդրացիական համագործակցություն հաստատել» երկու կրոնական համայնքների միջև:

ԷԿՈՒՄԵՆԻԿ ԴԱՍՏԻԱՐԱԿՈՒԹՅՈՒՆԸ
ՈՐՊԵՍ ԼՐԱՑՈՒՑԻՉ ՄԱՍ ԿՐՈՆԱԿԱՆ
ՌԻՍՈՒՑՄԱՆ

Էկումենիզմի ուսուցման անհրաժեշտությունը օրակարգի գլխավոր հարցերից մեկն է եղել Քրիստոնյաների միության քարտուղարության տարեկան վերջին ժողովում, որը գումարվել է Վատիկանում կարդինալ Ժան Վիլլերանդի նախագահությամբ, և որին մասնակցել են վեց կարդինալներ և 16 արքեպիսկոպոսներ ու եպիսկոպոսներ:

Ժողովի ավարտից հետո Ռադիո-Վատիկայից ձայնափոխված մի հարցազրույցի ժամանակ Քրիստոնյաների միության քարտուղարության փոխնախագահ Ռամոն Տոբելլա Կասկանտ եպիսկոպոսն ընդգծել է, որ Էկումենիզմը կարևոր մտահոգություններից մեկն էր եղել Վատիկանի Բ ժողովի, և հետևաբար եկեղեցիների միության վերահաստատման նպատակով առաջացած շարժման պատմությունը լրացուցիչ մասը պետք է կազմի կրոնական ուսուցման: «Էկումենիկ շարժումը տագնապի մեջ չէ, ընդ-

հակառակը, զգալի առաջընթաց է ապրում», հայտարարել է նա: Որպես ապացույց այդ բանի, իսպանացի եպիսկոպոսը վկայակոչել է երկկողմանի այն բազմաթիվ դիալոգները, որ ունեցել է հռոմեական կաթոլիկ եկեղեցին այլ դավանությունների պատկանող տարբեր եկեղեցիների հետ: Բացի այդ, նա նշել է, որ Քրիստոնյաների միության քարտուղարության հարաբերությունները ԵՀԽ-ի հետ միշտ ընթացել են դրական զարգացման ուղիով, և որ ստեղծվել է նախապատրաստական խառն մի հանձնաժողով՝ վերահաստատելու համար դիալոգը օրթոդոքս եկեղեցիների հետ: Տոբելլա եպիսկոպոսը առանձնապես շեշտել է Էկումենիկ համագումարների խորացումը քրիստոնյա հավատացյալների մեջ՝ դրանով տեսնելով առաջնիշ մի հզոր ուժ եկեղեցիների մերձեցման ճանապարհին: «Հետևաբար, — եզրակացրել է նա, — Էկումենիկ շարժումը տեղատվության մեջ չէ, մենք մեզ ավելի ու ավելի համարում ենք եղբայրներ և, որպես այդպիսիք, մեր վերաբերմունքը միմյանց նկատմամբ պետք է խսրըսխված լինի խոնարհության, պարկեշտության և եղբայրական փոխադարձ ճշմարիտ սիրո վրա»:

ՄՈՍԿՎԱՅԻ ԵՎ ՀԱՄԱՅՆ ՌՈՒՍԻՈ
ՊԱՏՐԻԱՐԿ ՊԻՄԵՆԻ ԱՅՑԸ
ՀՆԴԿԱՍՏԱՆ

Հնդկաստանի և Արևելքի մալաբար եկեղեցու Պատրիարք-կաթողիկոս Բասիլիոս Մար Թոմա Մատթեոս Ա-ի հրավերով ռուս պրավոսլավ եկեղեցու պատվիրակությունը, Մոսկվայի և համայն Ռուսիո Պատրիարք Պիմենի գլխավորությամբ, 1977 թվականի հունվարի 22-ից փետրվարի 2-ը փոխապեղությամբ գտնվել է Հնդկաստանում:

Հնդկաստանի և Արևելքի մալաբար եկեղեցու քարձրաստիճան ներկայացուցիչների ուղեկցությամբ, ռուս եկեղեցու պատվիրակությունն իր շրջագայության ընթացքում եղել է Բոմբեյում, Կոչինում, Տրիվանդրումում, Մադրասում, Դելիում՝ ամենուրեք արժանանալով հավատացյալ ժողովրդի ջերմ ընդունելությանը:

Բոմբեյում Պիմեն Պատրիարքը և նրա շրջախմբի անդամները այցելել են ս. Կույս Մարիամի մալաբար տաճարը, որ ներկա են եղել եկեղեցական արարողության: Քոթալամում ռուս եկեղեցու պատվիրակությունը այցելել է ս. Թովմաս առաքյալի տաճարը, որի հրապարակում, բազմաճապար հավատացյալների ներկայությամբ, տեղի է ունեցել բացօթյա համատեղ Էկումենիկ աղոթք, որին մասնակցել են Պիմեն Պատրիարքը և

Բասիլիոս Մար Թոմա Մատթեոս Ա կաթողիկոսը: Բոթայամի աստվածաբանական ճեմարանում հյուրերը հանդիպում են ունեցել ճեմարանի դասախոսական կազմի և ուսանողության հետ:

Հոկտեմբերի 31-ին Դելիում պատվիրակությունը այցելություն է տվել Հնդկաստանի վարչապետ Ինդիրա Գանդիին և հանրապետության նախագահ Ֆախրուդդին Ալի Ահմեդին:

«ՄՍՀՄ—Հնդկաստան» ընկերության մշակութային կենտրոնը կազմակերպել է մի հարցազրույց, ուր հայտարարություն է տրվել մամուլի, ռադիոյի և հեռուստատեսության համար:

ԷԿՈՒՄԵՆԻԿ ԱՂՈԹՔ ԶԱԳՈՐՍՎՈՒՄ
ՔՐԻՍՏՈՆՅԱՆԵՐԻ ՄԻՈՒԹՅԱՆ ՀԱՄԱՐ

1977 թվականի հունվարի 25-ին Զագորակում, Մոսկվայի աստվածաբանական ակադեմիայի Բարեխոսության տաճարում, ուսւ պրավոսլավ եկեղեցու պետ Նորին Սրբություն Պիմեն Պատրիարքի օրհնությանը, տեղի է ունեցել Էկումենիկ աղոթք քրիստոնյաների միության համար: Համատեղ աղոթքի արարողությունը ղեկավարել է Մոսկվայի աստվածաբանական ակադեմիայի և հոգևոր ճեմարանի վերատեսուչ տ. Վլադիմիր Դմիտրովսկի արքեպիսկոպոսը:

Աղոթքին մասնակցել են՝ քրիստոնյա աղվեստաբանական եկեղեցուց՝ Տուլայի համայնքի հոգևոր հովիվ Մ. Պ. Կուլակովը, Հայաստանյայց առաքելական եկեղեցուց՝ Ռուսաստանի և Նոր Նախիջևանի թեմի հայոց առաջնորդական փոխանորդ տ. Տիրան վարդապետ Կյուրեղյանը, որպես Ամենայն Հայոց կաթողիկոս Վազգեն Ա-ի ներկայացուցիչը Մոսկվայում, հոռմեական կաթողիկ եկեղեցուց՝ Մոսկվայի ս. Լույս եկեղեցու ավագերեց հայր Ստանիսլավ Մաժեկյան, քրիստոնյա-մըկրտչականների ավետարանական համամիությունական խորհրդից՝ Վ. Գ. Կուլիկովը, ուսւ պրավոսլավ եկեղեցուց՝ միջեկեղեցական արտաքին հարաբերությունների փոխնախագահ տ. Հոր Զարալսկի եպիսկոպոսը, Մոսկվայի Աստվածահայտության պատրիարքական եկեղեցու ավագերեց տ. Վիտալի Բորովյովը և ավագ քահանաներ Ա. Նատոլի Նովիկովն ու Նիկոլայ Պետրովը:

Աղոթքին մասնակցել են նաև Մոսկվայի աստվածաբանական ակադեմիայի և հոգե-

վոր ճեմարանի դասախոսներն ու ուսանողները:

Քրիստոնյաների միության մասին քարոզով հանդես է եկել տ. Տիրան վարդապետ Կյուրեղյանը:

Աղոթքի ավարտին ներկաներին օրհնություններ են բաշխել Վ. Գ. Կուլիկովը, տ. Տիրան վարդապետը և տ. Վլադիմիր արքեպիսկոպոսը:

Էկումենիկ սույն աղոթքին մասնակցել են նույնպես այլ դավանությունների պատկանող քրիստոնյաներ, ինչպես նաև Մոսկվայի դիվանագիտական անձնակազմի ներկայացուցիչներ:

ԽԱՂԱՂՈՒԹՅԱՆ ՀԱՄԱԿՐՈՆԱԿԱՆ
ՀԱՄԱԳՈՒՄԱՐԻ ՆԱԽԱՊԱՏՐԱՍՏԱԿԱՆ
ԿՈՄԻՏԵԻ ՀԱՆԴԻՊՈՒՄԸ ՄՈՍԿՎԱՅՈՒՄ

Սույն թվականի մարտի 15—17-ը Մոսկվայի «Ուկրաինա» հյուրանոցի սրահներից մեկում տեղի է ունեցել Խաղաղության համակրոնական համագումարի նախապատրաստական կոմիտեի հերթական հանդիպումը:

Նախապատրաստական միջազգային կոմիտեին մաս են կազմում, հանուն Հայաստանյայց առաքելական եկեղեցու, գերշ. տ. Ծախե արք. Աճեմյանը և գերշ. տ. Արսեն եպ. Բերբերյանը:

Սույն հանդիպմանը մասնակցել են տ. Արսեն եպ. Բերբերյանը և Մոսկվայի ու Նոր Նախիջևանի թեմի առաջնորդական փոխանորդ տ. Տիրան վարդապետ Կյուրեղյանը:

Հանդիպմանը ներկա են եղել աշխարհի տարբեր երկրներից Մոսկվա ժամանած զանազան կրոնների շուրջ 70 ներկայացուցիչներ: Համագումարը տեղի է ունենալու ընթացիկ տարվա հունիսի 6—10-ը, իսկ նախապատրաստական կոմիտեն իր աշխատանքները վերջացնելու է հունիսի 1—2-ին:

Մարտի 17-ին Նախապատրաստական կոմիտեն հրապարակել է մի հաղորդագրություն, որտեղ ամփոփված են այդ հանդիպման ընթացքում ընդունված որոշումները:

Նույն օրը, ժամը 16-ին, Մոսկվայի և համայն Ռուսիո Պատրիարք Պիմենը «Սովետական» հյուրանոցում, ի պատիվ հանդիպման մասնակիցների, տվել է պաշտոնական ճաշկերույթ, որին ներկա են եղել հասարակական տարբեր կազմակերպությունների ներկայացուցիչներ, շուրջ 350 հոգի: